

## DARSLARNI SAMARALI TASHKIL ETISHDA O'QITUVCHI MAHORATI: METOD, TAVSIYA, NATIJA

*Namangan viloyati Norin tumani*

*1-umumiyy o'rta ta'lif maktabi Boshlang'ich sinf o'qituvchi*

*Do'smatova Dildora Muydinovna*

**ANNOTATSIYA:** *Mazkur maqolada boshlang'ich sinf o'quvchilarining talaffuz ko'nikmalarini takomillashtirish metodikasi, boshlang'ich sinflarning o'qish darslari o'z mohiyati, maqsadi va vazifalariga ko'ra ta'lif tizimida alohida o'rinn tutishligi haqida ma'lumotlar berilgan.*

**KALIT SO'ZLAR:** *savodxonlik, talaffuz va ahloqiy-ta'lif, talaffuz, lug'ati, sintaktik qurilishi.*

**ANNOTATION:** *This article provides information on the methodology of improving the pronunciation skills of elementary school students, the fact that the reading classes of elementary classes have a special place in the education system according to their essence, purpose and tasks. given*

**KEY WORDS:** *literacy, pronunciation and moral education, pronunciation, vocabulary, syntactic construction.*

**АННОТАЦИЯ:** *В данной статье представлена информация о методике совершенствования произносительных навыков учащихся начальной школы, о том, что занятия по чтению начальных классов занимают особое место в системе образования по своей сути, назначению и задачам.*

**КЛЮЧЕВЫЕ СЛОВА:** *грамотность, произношение и нравственное воспитание, произношение, словарный запас, синтаксическая конструкция.*

### **KIRISH**

Ishonchimiz va tayanchimiz bo'lmish navqiron yosh avlodni barkamol shaxs bo'lib voyaga yetishini ta'minlash buyuk kelajagimiz poydevorini mustahkamlash yo'llidagi orzu-maqsadlarimizdan biridir. O'bekiston kelajagi buyuk davlat darajasiga

ko'tariladigan ijodkor shaxsni yaratishda boshlang'ich ta'lim poydevor vazifasini bajaradi. Boshlang'ich sinf o'qtuvchilarining asosiy maqsadi kelajakda yetuk avlodni tarbiyalashdan iborat. O'quvchining ongi va tafakkuri endi shakllanib kelayotgan boshlang'ich sinflarda o'qituvchining mahorati, uning zamonaviy texnologiyalarni ta'lim jarayonida mohirona tadbiq eta olishi ilg'or pedagogik tajribalardan mohirona foydalana olishi, ta'lim berishning yangi usullarini ishlashi juda muhim ahamiyat kasb etadi. Bugungi tez o'zgaryotgan dunyo insoniyat oldiga, yoshlar oldiga yangi-yangi buyuk imkoniyatlar ochmoqda. Ayniqsa mamlakatimiz mustaqillikka erishgandan so'ng barcha sohalarida tub islohatlar, o'zgarishlar, ta'lim mazmuni va sifatini yangilashga doir bir qancha chora tadbirlar amalga oshirilmoqda. Bunday islohatlarning tub mohiyatiga kirib boradigan bo'lsak, ularning ortida yoshlarni har tomonlama yetuk barkamol qilib tarbiyalash, bu orqali sog'lom fikirlaydigan, dunyo hamjamiyatidagi na'muna bo'la oladigan yoshlar bilan tenglasha oladigan kadrlar qilib voyaga yetkazish maqsad qilib olinganiga guvoh bo'lishimiz mumkin. Muhtaram Birinchi prizidentimiz ta'kidlaganidek:"Bugungi kunda oldimizga qo'yilgan buyuk maqsadlarimiz, jamiyatimizning yangilanishi, hayotimizning taraqqiyoti va istiqboli uchun amalga oshirilayotgan islohatlarimiz, rejalarimizning samarasi, taqdiri bularning barchasi, avvalombor, zamon talablariga javob beradigan yuqori malakali, ongli mutahasislar taylorlash muommasi bilan chambachas bog'liqligini barchamiz anglab yetmoqdamiz.

## ADABIYOTLAR TAHLILI VA METODOLOGIYA

Boshlang'ich sinflarning o'qish darslari o'z mohiyati, maqsadi va vazifalariga ko'ra ta'lim tizimida alohida o'rinni tutadi. Negaki, uning zaminida savodxonlik, talaffuz va ahloqiy-ta'lim tarbiya asoslari turadi. Shuning uchun ham boshqa predmetlar ta'limini o'qish ta'limisiz tasavvur qilib bo'lmaydi. O'quvchi matnni tog'ri, tez, tushunib o'qish, mazmunini o'zlashtirish bilan ilk bor o'qish darslarida yuzlanadi.

Forobiyning fikricha, qanday qilib ta'lim berish va ta'lim olish, fikrni qanday ifodalash, bayon etish, qanday so'rash va qanday javob berish (masalasi)ga kelganda, bu haqdagi ilmlarning eng birinchisi jismlarga, ya'ni substansiya va aksidensiyalarga ism beruvchi til haqidagi ilmdir. Ikkinchisi ilm grammatikadir. U jismlarga berilgan ism

(nom)larni qanday tartibga solishni hamda substansiya va aksidensiyaning joylashishiga va undan chiqadigan natijalarni ifodalovchi hikmatli so‘zlarni va nutqni qanday tuzishni o‘rgatadi. Uchinchi ilm mantiqdir. U ma’lum xulosalar keltirib chiqarish uchun mantiqiy figuralarga binoan qanday qilib darak gaplarni joylashtirishni o‘rgatadi. Bu xulosalar yordamida biz bilinmagan narsalarni bilib olamiz hamda nima to‘g‘ri va nima yolg‘on ekanligi haqida hukm chiqaramiz”. O‘quvchilar o‘z talaffuzida mantiq ilmiga asoslanib fikr-mulohaza bildirish maqsadga muvofiq. Shu bois ular xotirasidagi so‘z zahirasini o‘z talaffuzi orqali harakatga keltiradi.

## NATIJALAR

Talaffuz va uni o‘sirish tushunchasi. Talaffuz - kishi faoliyatining turi, til vositalari (so‘z, so‘z birikmasi, gap) asosida tafakkurni ishga solishdir. Talaffuz o‘zaro aloqa va xabar funksiyasini, o‘zaro fikrni his-hayajon bilan ifodalash va ta’sir etish vazifasini bajaradi. Yaxshi rivojlangan talaffuz jamiyatda kishining aktiv faoliyatining muhim vositalaridan biri sifatida xizmat qiladi. O‘quvchi uchun esa talaffuz mактабда muvaffaqiyatli ta’lim olish qurolidir. talaffuz o‘sirish nima? Agar o‘quvchi va uning tildan bajargan ishlari ko‘zda tutilsa, talaffuz o‘sirish deganda, tilni har tomonlama (talaffuzi, lug‘ati, sintaktik qurilishini, bog‘lanishli nutqni) aktiv amaliy o‘zlashtirish tushuniladi. Agar o‘qituvchi ko‘zda tutilsa, nutq o‘sirish deganda, o‘quvchilar tilning talaffuzi, lug‘ati, sintaktik qurilish va bog‘lanishli nutqni muhim aktiv egallashlariga yordam beradigan metod va ish turlarini qo‘llash tushuniladi. Talaffuz faoliyati uchun, shuningdek, o‘quvchilar nutqini o‘sirish uchun bir necha shartga rioya qilish zarur:

1. Kishi talaffuzining yuzaga chiqishi uchun talab bo‘lishi kerak. O‘quvchilar talaffuzini o‘sirishning metodik talabi o‘quvchi o‘z fikrini, nimanidir og‘zaki yoki yozma bayon xohishi va zaruriyatni yuzaga keltiradigan vaziyat yaratish hisoblanadi,

2. Har qanday talaffuzning mazmuni, materiali bo‘lishi lozim. Bu material qanchalik to‘liq, boy, qimmatli bo‘lsa, uning bayoni shunchalik mazmunli bo‘ladi.

3. Fikr tinglovchi tushunadigan so‘z, so‘z birikmasi, gap, nutq oborotlari yordamida ifodalansagina tushunarli bo‘ladi. Shuning uchun nutqni muvaffaqiyatli o‘sirishning uchinchi sharti - nutqni til vositalari bilan qurollantirish hisoblanadi.

Talaffuz egallashning qator aspektlari mavjud.

Bular: 1. Adabiy til normalarini o‘zlashtirish.

2. Jamiyatimizning har bir a’zosi uchun zarur bo‘lgan muhim nutq malakalarini, ya’ni o‘qish va yozish malakalarini o‘zlashtirish.

3. O‘quvchilar nutq madaniyatini takomillashtirish. talaffuz o‘stirishda uch yo‘nalish aniq ajratiladi: 1) so‘z ustida ishslash; 2) so‘z birikmasi va gap ustida ishslash; 3) bog‘lanishli nutq ustida ishslash.

Tovushga taqlid qilishni bolaning turli faoliyatlariga qo`shish bolalarning nafaqat turli ko`rinishdagi tovushlarni to`g`ri talaffuz qilishlarini aniqlash va mustahkamlashga yordam beradi, balki tovushlar hamda so`zlarni aniq va tushunarli qilib talaffuz etishlariga erishishda ham ko`maklashadi. Aynan bir xil tovush taqlidlarini bir necha marta qo`shib talaffuz qilish nutqiy nafasning rivojlanishiga yordam beradi. To`g`ri talaffuzga o`rgatishning asosiy bosqichlari. To`g`ri talaffuzga erishish yo`li 3 bosqichni o`z ichiga oladi:

1-bosqich: Ayrim tovushlar talaffuzini rivojlantirish.

2-bosqich: Ayrim so`zlar talaffuzini shakllantirish.

3-bosqich: Namunaviy gaplar talaffuzini shakllantirish.

1-bosqich-ayrim tovushlar talaffuzini shakllantirish- bu qattiq va yumshoq, jarangli va jarangsiz undoshlar talaffuzi ustida ishslashni ko`zda tutadi. B-lab undoshi, portlovchi, jarangli undoshdir. So`zning oxirida, boshida va o`rtasida kelishi mumkin. boshida kelsa-B..., oxirida kelsa-...B, o`rtasida kelsa ...b..., b-v kabi aytildi. Masalan, aroba-arava, kabob-kavob. P –lab undoshi, portlovchi jarangsiz undosh tovush. P..., ...p..., ...p, b va f undosh tovushlari o`rnida talaffuz qilinadi, fabrika-pabrika, kelib-kelip. D-til oldi, portlovchi, jarangli undosh tovushdir. D..., ...d..., ...d, t undosh tovushi qilib talaffuz qilish mumkin. Masalan, o`tdi-o`tti, ketdi-ketti shaklida. S – til oldi, sirg`aluvchi, jarangsiz undosh tovush. So`zning boshida, oxirida, o`rtasida kelishi mumkin. U o`zining jarangli jufti – z tarzida talaffuz qilinish hollari kuzatiladi. Masalan, soatsoz.

2-bosqich-ayrim so`zlar talaffuzini shakllantirish-bu leksikani to`g`ri talaffuz qilish, urg`u berish, so`zda urg`u bo`g`inini ajratishdan iboratdir. Leksik jihatdan: “Ko`klam keldi” biri fasning nomini, 2-si harakatni anglatadi. “Kul” so`zining biri-harakatni anglatsa, ikkinchisi esa narsa ma`nosini anglatadi. “O’t ” so`zining ham bir ma`nosi-

harakat ma`nosida, ikkinchi ma`nosi esa o`tmaysa ma`nosini anglatadi. Urg`u so`zning oxirgi bo`g`iniga tushib, so`zdagi bo`g`inning boshqalariga nisbatan kuchliroq talaffuz qilishni bildiradi: tikuvchi, ti-kuv-chi. Sandiq, san-diq shu boshqalar.

3-bosqich- namunaviy gaplar talaffuzini shakllantirish- bu o`zgacha gap ohanglari ustida maxsus ishlashni ko`zda tutadi. Masalan, chumchuq-kichkina qushcha. Bizning bog`chamiz-sevimli makon. Onajonim-mehribonim. Agarda 3 yoshli bolalar-s, z, sh, ch, r, l kabi tovushlarni yetarli darajada yaxshi talaffuz qila olmasa, darhol ularni mashq qilishga kirishish kerak emas, chunki bu bolalarning ularni noto`g`ri talaffuz qilishga odatlanib qolishlariga olib kelishi mumkin.

## XULOSA

5 yoshdan 7 yoshgacha bo`lgan davrda tovushlarni to`g`ri talaffuz qilishni shakllantirish bolalar tomonidan ko`pincha aralashtirib talaffuz qilinadigan tovushlarni tabaqlashtirish ishlari bilan bog`liq holda amalga oshirish mumkin. bunda asosan jarangli va jarangsiz tovushlarni, v-f, z-s, j-sh, b-p, d-t, g-k, shuningdek, l va r tovushlarining talaffuziga e`tibor berish darkor.

## FOYDALANGAN ADABIYOTLAR

1. Sodiqova Sh. "Maktabgacha pedagogika". T.: "Fan va texnologiya". 2012.
2. Babayeva D.R. "Nutq o`stirish nazariyasi va metodikasi"-T., "Barkamol fayz media"-2018.
3. Qodirova F.R. "Maktabgacha pedagogika" T., "Tafakkur nashriyoti" 2019.
4. "Ilk qadam" davlat o`quv dasturi. T.: 2018
5. I.A.Karimov Barkamol avlod – O`bekiston taroqqiyotining poydevori T "Sharq" 1997 y
6. T.G'affarova, Sh.Nuraliyeva, z.Mirzahakimova 2-sinf o`qish kitobi "Sharq" nashiryoti 2016 y
7. M.Umarova, X. Hamraulova. R.Tojiboyeva 3-sinf o`qish kitobi "O`qituvchi" nashiryoti Toshkent 2016 y
8. S.Matchanov. A.Shojalilov, X.G'ulomova, Sh. Sariyev, Z.Dalimov 4 sinf o`qish kitobi Toshkent "Yangiyo'l Poligraf Servis" 2017 y